



Broj: 01-01-S.T. 39012 /16
Sarajevo, 23.12.2016. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA
SARAJEVO
n/r Prof. Ana Babić

Predmet: Informacija na pitanje uvaženog zastupnika Gorana Akšamije

Poštovani,

Uvažavajući objektivnost zastupnika Skupštine Kantona Sarajevo i transparentnost Zavoda zdravstvenog osiguranja KS, na Vaš upit koji se odnosi na Pravilnik o korištenju mobilnih telefona i visinu stvarnog utroška za mobilne telefone uvažene zastupnike Skupštine Kantona Sarajevo informišemo o slijedećem;

U toku 2015.godine Ured za reviziju institucija FBIH je utvrdio niz odstupanja od pravila i procedura Zavoda zdravstvenog osiguranja KS i važeće legislative, te je dato 54 primjedbe na poslovanje Zavoda u periodu predhodnog menadžmenta, od kojih je i primjedba na Pravilnik o načinu korištenja i upotrebi mobilnih telefona iz mjeseca Juna 2013.godine u kojem u članu 4. data direktoru mogućnost plaćanja troškova za mobilni telefon od strane Zavoda **bez ograničenja iznosa**. U mandatu predhodnih direktora (gosp. Farisa Gavrankapetanovića i Kenana Crnikića) taj benefit je prouzrokovao velike troškove po Zavod, te su direktori na mjesečnom nivou trošili i do 22.000,00KM. Nakon iznesenih primjedbi Ureda za reviziju, stručna služba Zavoda je utvrdila da je tadašnji Pravilnik donesen nezakonito, jer su direktori gosp. Gavrankapetanović i gosp. Crnkić lično potpisivali Pravilnike kojima sebi daju neograničeno pravo na korištenje sredstava Zavoda za mobilne telefone i druge potrebe.

Kako bi se ispoštovala primjedba Ureda za reviziju institucija FBIH, Upravni odbor Zavoda je donio Pravilnik o načinu korištenja i upotrebe mobilnih telefona ZZO KS od 2016.godine i izmjenu pravilnika kojim se ograničava visina novčanog iznosa za troškove mobilnog telefona, te po prvi put ograničio visinu troškova direktora, koje su u predhodnim madatima direktori samo sebi određivali.

Na osnovu navedenih akata donesenih od strane Upravnog odbora sastavljenog od 9 članova, koji su jednoglasno podržali donošenje zakonitog Pravilnika, direktoru se ograničava maksimalni trošak za mobilni telefon na iznos od 175 KM u skladu sa obimom i kompleksnoću poslova i zadataka koje obavlja.

U cilju dokumentovanja iznesenog a objektivnog informisanja uvaženih zastupnika Skupštine i javnosti u prilogu vam dostavljamo skeniranu tabelu troškova za korištenje mobilnih telefona u mandatu predhodnih direktora kako bi stekli objektivnu sliku o stanju koje sam zatekao te komparacijom utvrdite nastojanje sadašnjeg menadžmenta na otklanjanju zatečenog stanja.

Takođe vas informišemo da je predhodni menadžment predvođen direktorima gosp. Gavrankapetanovićem i gosp. Crnkićem imenovao niz komisija u koje su sami sebe imenovali kao supervizore, predsjednike ili kordinatore ali i druge podobne kadrove na teret Zavoda što je

pruzrokovalo štetu po Zavod od oko 500.000,00KM što je konstatovano u izvještajima Budžetske inspekcije Ministarstva finansija Kantona Sarajevo, a u suprotnosti je sa statutom i poslovníkom o radu Upravnog odbora ZZO KS koji je isključivo nadležan za obrazovanje komisija, određivanje visine naknada i na taj način prekoračili svoja ovlaštenja.

Direktor Zavoda je u cilju racionalizacije ukinuo komisije i uveo niz procedura kojima se utvrđuju jasna pravila i postupanja, a sve u cilju uspostavljanja transparentnog i zakonitog rada, te je navedena sredstva preusmjerio i uz odluku Upravnog odbora implementirao u Projekat potpomognute oplodnje.

U svom mandatu direktor koristi vlastito vozilo a ne službeno, za razliku od predhodnika koji su koristili službena vozila i vozače 24 sata dnevno a za troškove prevoza trošili iznose i do 26.000,00KM.

Iznosi za reprezentaciju u periodu direktora Gavrankapetanovića su iznosili 42.861,87KM, u periodu direktora Kenana Crnkića 16.370,31 KM a u periodu kada je imenovan sadašnji direktor do sada 3.907,31KM.

Zaista ne razumijemo neopravdane optužbe na račun Direktora Zavoda i Upravnog odbora, ali svakako cijenimo nastojanje uvaženog zastupnika da iskoristi svoje pravo da pita, ali i da uvaži sve činjenice koje smo naveli i da stvori cjelokupnu sliku o stvarnom stanju, te prepozna nastojanje sadašnjeg menadžmenta Zavoda u uvođenju reda, pravila i procedura ka transparentnom i zakonitom radu i poslovanju.

S poštovanjem!

Prilog:

- Tabela o utrošku telefona iz mandata predhodnih direktora,
- Tabela sa pregledom troškova reprezentacije.

DIREKTOR ZZO KS

Mr.sc.pec.prim.spec.dr. Samir Turković

TROŠKOVI REPREZENTACIJE

Period	Direktor	Ukupan utrošeni iznos u KM
01.07.2012. do 22.12.2013.	prof.dr. Faris Gavrankapetanović	42,861.87
23.12.2013. do 31.07.2015.	dr.sci. Kenan Crnkić	16,370.09
01.08.2015. do 31.12.2015.	Safeta Borovac	3,907.31
01.01.2016. do 30.09.2016.	mr.sci.oec.prim.spec.dr. Samir Turković	3,177.55

